

Geeta Ka Gyan | By Lakhbir Singh Lakha |

Kurukshetra me Arjun ke kadam dagmaga gaye
Aur aankhon ke aage moh ke baadal se chha gaye

Kyonki veeron ke veer shiromani sardar khade the
Guru Dron dada Bhishm Kripacharya khade the
Ladne ke liye sab koi tayyar khade the
Par ranbhoomi me to apne parivaar khade the

In sab ko dekh Arjun ka dil dahal gaya
Phir haay uske munh se us dam nikal gaya

In gurujanon par kaise main vaar karunga
Kis-kis ka samar bhoomi me sanhaar karunga

Kandhe se teer karkash Gaandeev chhodkar
Kehne laga Mohan se vah haath jodkar

Prabhu yeh raaj paath vaibhav mujhko na chahiye
Is kul kalank se Prabhu mujhko bachaaiye
Yeh jar zameen sugarn mujhko na chahiye
Jo kul ka naash kar de vah dhan na chahiye

Ranbhoomi me Arjun ka vichlit hua jab man
Yeh dekh Dhananjay se bole yun Madhusudan

Bole Shri Krishna Arjun se ae Paarth suno
Moh me man phasana nahin chahiye
Veer ho karke tumko samar bhoomi me
Paav peeche hataana nahin chahiye

Bole Shri Krishna Arjun se...

Laut jaaoge jo tum samar bhoomi se
Saari duniya hansegi tere naam par
Veer Pandu ke kul vansh me to tumhe
Daag hargiz lagaana nahin chahiye

Bole Shri Krishna Arjun se...

Veer mata se paaya hai tumne janm
Tu usi mata Kunti ka rakh le bharam
Peeth peeche dikhakar samar bhoomi me
Doodh maa ka lagaana nahin chahiye

Bole Shri Krishna Arjun se...

Jisko kehta hai tu mera parivaar
Vah sabhi tumse ladne ko tayyaar hain
Moh maya me padhkar kabhi bhi tumhe

Apne man ko digana nahin chahiye

Bole Shri Krishna Arjun se...

Jeet kar jag me samraat kehlaayega
Mar gaya ran me to swarg me jaayega
Naam hoga amar tera sansaar me
Aisa mauka gawaana nahin chahiye

Bole Shri Krishna Arjun se...

Saath jab tak hoon main tu haar sakta nahin
Koi ran me tumhe maar sakta nahin
Kyonki saare sansaar ka kartadharta hoon main
Ke tumhe bhool jaana nahin chahiye

Bole Shri Krishna Arjun se...

Main hi dharti gagan me hi paataal hoon
Mujhko pahchaan main hi Mahaakaal hoon
Sabhi karmon ka phal dene wala hoon main
Shakti ko aazmaana nahin chahiye

Bole Shri Krishna Arjun se...

Veeron ki pooja hoti hai sansaar me
Kaayaron ko koi maan deta nahin
Ae Arjun mere Arjun tu khud hi samajhdaar hai
Tumko kaayar kehna nahin chahiye

Bole Shri Krishna Arjun se...

Karm kar karm sharma hi pradhaan hai
Karm hi Lakshmi aur karm hi Bhagwaan hai
Karmheeno ko kuchh jag me milta nahin
Karm se munh churaana nahin chahiye

Bole Shri Krishna Arjun se...

<https://bhaktivandana.com/lyrics/%e0%a4%97%e0%a5%80%e0%a4%a4%e0%a4%be-%e0%a4%95%e0%a4%be-%e0%a4%9c%e0%a5%8d%e0%a4%9e%e0%a4%be%e0%a4%a8-by-lakhbir-singh-lakha/>